

DJI M' DIMANDE

Ni faureut-i qu'on p'tit sorîre
Po ravalè on laîd sospîr?

Ni faureut-i qu'on-uch douvièt
Po lèyî là nosse blanc mouchwè?

Ni faureut-i qu'on vraî soçon
Po p'lu pèter on rigodon?

Ni faureut-i compter qu' lès stwales
Po sinte on bètch su nos massales?

Ni faureut-i qu' saquants doûs mots
Po paumer èt div'nu rwèd sot?

Dji mè l' dimande èt m' dîre dovint ...
Qui ç' n'èsteut jamaîs l' bon momint.

A.-M. FRANCOIS